



الغدیر اسپتال ء «باز دردناکیں» عکس راست انت

10 مرداد 1405

حسین کرمانپور، ء تندستی وزارت ء رابطہ گچی و اطلاع رسانی مرکز ء سروک، گوشت آ عکس کہ اجتماعی رسانلاں الغدیر خیراتی اسپتال ء نیمگا شنگ بیتگ انت «حقیقت دور نہ انت.» آئی اے عکس باز «دردناک» بیان گُرت و گوشت کہ «راست» انت. اے عکس تالان گُرتگیں پچانی تھا بندوکیں جنازہ آن تہران ء الغدیر اسپتال ء نزیکیں کوچکے ء پیش دار انت. شرق روزنامہ وتی یک راپتے ء نوشتگ: «راست دیمہ ۱۴۰۴ ء احتجاج ء مردہ گُشیں روچانی درگت ء، تہران ء الغدیر اسپتال ء دل لرزوکیں عکسانی شنگ بوئگ ء، ایرانی مردمانی جذبہ بار ء دگرے ء براتگ.» شرق روزنامہ ء راپت ہنگام بلوار و الغدیر میدان ء دمگ ء ہالتا ۱۸ دیمہ ء شپ ء بیان کنت. حسین کرمانپور ء شرق روزنامہ ء گوشت: «الغدیر میدان ہژدہمی دیمہ ء شپ ء باز تچک و تگ ء جاہاں چہ یکے بیتگ. چہ ہمے سوب ء بازیں مردمے اے جاہ ء چہ نزیکترین درمان گاہ ء رسینتگ انت کہ مکسد الغدیر اسپتال بیتگ.» نتیجہ ء، «یک کسانیں اسپتالے زخمئی و بیران بیتگیں مردمانی بازیں گونگے ء گوں دیم پہ دیم بیتگ. مئے کر ء رسوکیں راپتانی رد ء، نزدیک ۱۵۰ زخمئی اے اسپتال ء اتکگ انت و ہمے رنگ ء ۳۶ بیران بیتگیں مردمانی لاش ہم ہمے اسپتال ء رسینتگ انت. اے درگت ء الغدیر اسپتال ء سردخانہ تہنا پنچ بیران بیتگیں مردمانی گنجایش داشتگ. بیران بیتگیں مردم ہم اُود ء چہ کہریزک ء گوازینتگ بیتگ انت.» شرق روزنامہ ء راپت اسپتال ء بارہ ء شنگ بیتگیں عکسانی تھا چہ ہما عکس ء گوشتگ کہ «مردم حتی یک لاش ء دیم ہم دیست کن انت: آیدا عقیلی، یک نوک جوانیں جنگے کہ شاید ہنتا عشق ء دیم وتی سینگ ء نہ گُرتگ. چہ اُمیت و روشنایی ء وپسگ گش ئے جہان ہنتا آئی ء ساہانی تپش ء روان انت.»